



Broj: 27/01-05-21787/12
Sarajevo; 10.07.2012.godine

SKUPŠTINA KANTONA SARAJEVO
n/r Predsjedavajuće Skupštine

PREDMET: Odgovor na poslaničko pitanje poslanika Kenana Ademovića-dostavlja se

Na Sedamnaestoj Radnoj sjednici Skupštine Kantona Sarajevo, održanoj dana 27.06.2012. godine, u okviru tačke dnevnog reda "Poslanička pitanja, inicijative i odgovori", poslanik Kenan Ademović postavio je poslaničko pitanje koje glasi:

"Da li je tačno da postoje građani tj. stanovnici Kantona Sarajevo da se nisu vratili u svoje stanove iako su nosioci stanarskog prava. Da li je tačno da nosilac stanarskog prava Trapara Ranislav, iako postoje pravomoćne presude, još uvijek nije u mogućnosti da se vrati u stan, pošto voditelj postupka Ismet Tutić namjerno odugovlači. Šta će Vlada i nadležno Ministarstvo uraditi po tom pitanju jer želimo i moramo da poštujuemo Ustav, Evropsku konvenciju o ljudskim pravima itd."

ODGOVOR:

Uprava za stambena pitanja koja je u sastavu Ministarstva stambene politike Kantona Sarajevo između ostalog rješava po zahtjevima za vraćanje u posjed stana podnesenim u skladu sa Zakonom o prestanku primjene Zakona o napuštenim stanovima ("Službene novine Federacije Bosne i Hercegovine", broj:11/98, 38/98, 12/99, 18/99, 27/99, 43/99, 31/01, 56/01, 15/02, 24/03, 29/03 i 81/09), Zakonom o izvršenju Odluka Komisije za imovinske zahtjeve izbjeglica i raseljenih lica ("Službene novine Federacije Bosne i Hercegovine", broj: 43/99, 51/00, 56/01 i 24/03) i Zakonom o prenosu i rješavanju neriješenih zahtjeva za vraćanje u posjed stana na kojem postoji stanarsko pravo ili nekretninama u vlasništvu koji su podneseni Komisiji za imovinske zahtjeve raseljenih lica i izbjeglica ("Službene novine Federacije Bosne i Hercegovine", broj: 6/04).

Navedenim Zakonima su propisani i rokovi u kojima su se zahtjevi mogli podnijeti.

Upravi za stambena pitanja je podneseno ukupno 31.957 zahtjeva za vraćanje u posjed stana.

Uprava za stambena pitanja je riješila sve zahtjeve u prvom stepenu, a kako se radi o višestranačkim upravnim stvarima u kojima učestvuju i po tri stranke (podnosilac zahtjeva, korisnik stana i davalac stana na korištenje) to je značajan broj predmeta u kojima su izjavljene žalbe i pokrenuti upravni sporovi.

Ministarstvo stambene politike Kantona Sarajevo je već duži period postiglo ažurnost da po izjavljenim žalbama na rješenja Uprave za stambena pitanja rješava u zakonom propisanom roku, ali dužina postupka po pokrenutim upravnim sporovima kod Kantonalnog suda u Sarajevu uvjetuje dužinu trajanja upravnih postupaka pred organima uprave. Činjenica je da se kod Kantonalnog suda u Sarajevu nalaze neriješeni predmeti po kojima je podnesena tužba u upravnom sporu 2003.godine.

Prema tome, još uvijek postoje predmeti u kojima se vode upravni postupci i u kojima se nosioci stanarskog prava nisu vratili u posjed stana iz razloga što su njihovi zahtjevi odbijeni u upravnom postupku, a po tužbama u upravnom sporu Kantonalni sud u Sarajevu nije donio presude, kao i predmeti u kojima se vode ponovni postupci pred Upravom za stambena pitanja.

Što se tiče podnosioca zahtjeva Trapara Ranislava, uvidom u spis predmeta utvrđeno je da je imenovani podnio zahtjev Upravi za stambena pitanja dana 06.06.2002.godine, u roku za uništene ili oštećene stanove, da je Uprava za stambena pitanja donijela rješenje kojim je zahtjev imenovanog odbijen dana 26.01.2007.godine, da je Ministarstvo stambene politike Kantona Sarajevo donijelo rješenje kojim se žalba Trapara Ranislava odbija dana 15.03.2007.godine, te da je Kantonalni sud u Sarajevu po pokrenutom upravnom sporu od strane Trapara Ranislava donio presudu od 24.02.2011.godine kojom je tužba uvažena, osporeno i prvostepeno rješenje poništeno i predmet vraćen prvostepenom organu na ponovni postupak. Postupajući u ponovnom postupku pred Upravom za stambena pitanja je održana usmena rasprava dana 24.11.2011.godine predloženo provođenje dokaza vještačenja od strane punomoćnika podnosioca zahtjeva Filipović Melihe, advokata iz Sarajeva, te donesen zaključak o određivanju vještačenja po vještaku građevinske struke dana 15.03.2012.godine, a dana 03.07.2012.godine je doneseno rješenje kojim se Trapara Ranislavu dozvoljava vraćanje u posjed stana.

Ministrica stambene politike Kantona Sarajevo će poduzeti aktivnosti o utvrđivanju odgovornosti voditelja postupka Tutić Ismeta vezano za postupanje u ovom predmetu i dužinu trajanja postupka, a već je poduzela aktivnosti na utvrđivanju planova rada za sve izvršioce.

DOSTAVITI:

- Naslovu
- Evidenciji
- Arhiva

MINISTRICA**Mersiha Slipičević, dipl.ecc**

web: <http://msp.ks.gov.ba>
e-mail: msp@msp.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

